

- 1' Jr gesellen / kumen har noch zů hant
- 2' Wir faren jnn schluraffen landt
- 3' Vnd gstecken doch jm mūr / vnd sandt



## Das schluraffen schiff.

- 1 Nit meyn / vnß narren syn alleyn
- 2 Wir hant noch brüder groß / vnd kleyn
- 3 Jnn allen landen vber al
- 4 On end ist vnser narren zal

t iijj

1' zů GW5046 GW5047 ] 3e GW5041

5 Wir faren vmb durch alle landt  
 6 Von Narbon jnn das schluraffen landt  
 7 Dar nach went wir gen Montflascon  
 8 Vnd jnn das landt gen Narragon  
 9 All port durch sūchen wir / vnd gstad  
 10 Wir faren vmb mit grossem schad  
 11 Vnd können doch nit treffen wol  
 12 Den staden do man lenden sol  
 13 Vnser vmbfaren ist on end  
 14 Dann keyner weiß / wo er zū lend  
 15 Vnd hant doch keyn rūw tag / noch nacht  
 16 Vff wißheytt vnser keyner acht  
 17 Dar zū hand wir noch vil gespanen  
 18 Trabanten vil / vnd Curtisanen  
 19 Die vnserm hoff stāts ziehen noch  
 20 Kumen jnns schiff zūm letsten doch  
 21 Vnd faren mit vnß vff gewynn  
 22 On sorg / vernunfft / wißheytt / vnd synn  
 23 Dūnt wir für wor eyn sōrglich fart  
 24 Dann keyner sorgt / lūgt / merckt vnd wart  
 25 Vff Tablemaryn / vnd den compass  
 26 Oder den vblouff des stundglaß  
 27 Noch mynder des gestyrnes zwang  
 28 Wo hyn bootes / vrsa gang  
 29 Arcturus oder Hyades  
 30 Des treffen wir Sympleyades  
 31 Das vnß die felsen an das schiff  
 32 Zū beyden sytten gend eyn büff  
 33 Vnd knützschen das so gar zū trymmen  
 34 Das wenig vß dem schiffbruch schwymmen

---

6 das *GW5046 GW5047* ] fehlt *GW5041* 8 Narragon *GW5046 GW5047* ] Narragon *GW5041*

35 Wir wogen vnß durch malfortun  
 36 Des kumen wir zûm land gar kum  
 37 Durch Scyllam / Syrtim / Charibd  
 38 Vnd sint gantz vß dem rechten trib  
 39 Des ist nit wunder / ob ouch wir  
 40 Jm mer sehen vil wunder thier  
 41 Als Delphynen / vnd Syrenen  
 42 Die syngen vnß süß Cantylenen  
 43 Vnd machen vnß als vast entschloffen  
 44 Das vnsers zûlend ist keyn hoffen  
 45 Vnd müssen sâhen vmb vnd vmb  
 46 Cyclopem mit dem ougen krumb  
 47 Dem doch Vlysses das vß stach  
 48 Das er vor wißheyt jnn nit sach  
 49 Vnd jm keyn schaden zû môcht fügen  
 50 Dann das er bröllen dett vnd lügen  
 51 Glich wie eyn ochs / dem würt eyn streich  
 52 Nit mynder der wise von jm weich  
 53 Vnd ließ jnn schrygen / grynen / weynen /  
 54 Doch warff er noch mit grossen steynen  
 55 Das selb oug wechßt jm wider ser  
 56 Wann er ansicht der narren hór  
 57 So spert ers vff / gen jnn so witt  
 58 Das man sunst sicht jm antlyt nüt  
 59 Syn mul spatzyert zû beyden oren  
 60 Do mit verschluckt er manchen doren  
 61 Die andern die jm schon entrynnen  
 62 Der würt Antyphates doch ynnen  
 63 Mit sym volck der låstrygonum  
 64 Die gont erst mit den narren vmb

---

36 zûm GW5046 ] zû GW5041 GW5047    37 Syrtim / GW5046 GW5047 ] Syrtim / vnd  
 GW5041    46 Cyclopem GW5041 GW5046 ] Cyclophen GW5047

65 Dann die sunst anders essen nüt  
 66 Dann narren fleisch zů aller zyt  
 67 Vnd drincken blůt für jrn wyn  
 68 Do würd der narren herberg syn /  
 69 Homerus hat diß als erdacht  
 70 Do mit man hett vff wißheyt acht  
 71 Vnd sich nit wogt lycht vff das mer  
 72 Hie mit lobt er Vlysses ser  
 73 Der wise rât gab / vnd gůt anschlag  
 74 Die wil man streit / vnd vor Troy lag /  
 75 Vnd wie der zehen jor dar noch  
 76 Mit grossem glück durch all mer zoch  
 77 Do Cyrce mit jrr dranckes gewalt  
 78 Syn gsellen kert jnn thieres gstat  
 79 Do was Vlysses also wiß  
 80 Das er nit nam dranck oder spiß  
 81 Biß er das falsch wyb über bößt  
 82 Vnd syn gesellen all erlößt  
 83 Mit eym krut das man moly heißt  
 84 Also halff jm vsß mancher nott  
 85 Syn wißheyt / vnd vernünfftig rott  
 86 Die wile er aber ye wolt faren  
 87 Mōcht er die leng sich nit bewaren  
 88 Jm kem zů letst eyn wider wynd  
 89 Der jm syn schyff zerfůrt geschwynd  
 90 Das jm syn gesellen all erdryncken  
 91 All růder / schyff / sâgel / versyncken  
 92 Syn wißheyt jm zů hülff doch kam  
 93 Das er alleyn vß nacket schwamm  
 94 Vnd wust von vil vnglück zü sagen  
 95 Wart doch von sym sůn dot geschlagen

---

65 die GW5046 GW5047 ] fie GW5041

96 Als er kloppfet an synr eygnen tür  
 97 Do künd wißheyt nit helffen für  
 98 Nyemans was der jn kennen künd  
 99 Jm gantzen hoff / alleyn die hund  
 100 Vnd starb dar vmb / das man nit wolt  
 101 Jn kennen / als man billich solt /  
 102 Do mit kum ich vff vnser für  
 103 Wir sūchen gwynn jn dieffen mūr  
 104 Des würt vnß bald eyn böse rūr  
 105 Dann vnß bricht mastboum / sägel / schnūr /  
 106 Vnd können doch jm mer nit schwymmen  
 107 Die wällen sint böß vff zū klymmen  
 108 Wann eyner wānt er sitz gar hoch  
 109 So stossen sie jn zū boden doch  
 110 Der wynd der tribt sie vff vnd nyder  
 111 Das narren schiff kumbt nym har wider  
 112 Wann es recht vnder gangen ist  
 113 Dann wir hant weder synn noch lyst  
 114 Das wir vß schwymmen zū dem stad  
 115 Als dett Vlysses noch sym schad  
 116 Der me brocht nacket mit jm vß  
 117 Dann er verlor / vnd hat zū huß /  
 118 Wir faren vff vnfalles schlyff  
 119 Die wällen schlagent vbers schyff  
 120 Vnd nāmen vnß vil Galeoten  
 121 Es wirt an die schyfflüt ouch geroten  
 122 Vnd ouch zū letst / an die patron  
 123 Das schyff dūt wūst jnn schwāncken gon  
 124 Vnd möcht gar licht eyn wyrbel fynden  
 125 Der schyff / vnd schyfflüt würd verschlynden

126 All hülff / vnd rott hat vnß verlon  
 127 Wir werden jnn die harr vndergon  
 128 Der wynd verfür̃t vnß mit gwalt  
 129 Eyn wiß man sich do heym behalt  
 130 Vnd nãm by vnß eyne wißlich ler  
 131 Wog sich nit lichtlich vff das mer  
 132 Er künn dann mit den wynden stritten  
 133 Als Vlisses det / zũ synen zytten  
 134 Vnd ob das schiff gang vnder joch  
 135 Das er zũ land künn schwymmen doch  
 136 Dar vmb erdrincken narren vil  
 137 Zũm stad der wißheyt yeder yl  
 138 Vnd nãm die rüder jnn die hend  
 139 Do mit er wisß / wo er hyn lend  
 140 Wer wiß ist / kumbt zũ land mit füg  
 141 Es sint doch on das narren gnüg  
 142 Der ist der best / der selber wol  
 143 Weißt / was man dũn vnd lossen sol  
 144 Vnd den man nit darff vnderwissen  
 145 Sunder die wisheyt selber dũt brysen  
 146 Der ist ouch gũt / wer andere hõrt  
 147 Vnd von jnn zucht / vnd wißheyt lert  
 148 Wer aber der keyns vber al  
 149 Kan / der ist jnn der narren zal  
 150 Ob der diß schiffs sich hat versumbt  
 151 So wart er biß eyne anders kumbt  
 152 Er würt gselschafft fynden geryng  
 153 Mit den er Gaudeamus sing  
 154 Oder das lied jm narren don  
 155 Wir hant vil brüder dussen gelon  
 156 Das schiff ouch würt zũ boden gon

---

138 die GW5046 GW5047 ] den GW5041 145 selber GW5046 GW5047 ] felb GW5041